

曰 先不復伊勢神宮於朝廷則當無復古之名夫神鏡之職權止於受天子崇拜是古誼也故曰見之猶見吾玉璽瓊々杵尊鎮魂之玉也

天帝惟一故大陽亦惟一神界亦惟一

此地上賞罰之事皆大國主神責任也不然有害審判故於大神宮有如神罰者非天照皇神所爲有爲之者而爲之也

問 死物不變性乎

曰 死物亦變性故世之火葬者是拒絕神政之造化也况欲不朽者臣子之至情而忍之是逆道也

問 素盞雄神與大國主神二神而一神一神而二神如何

曰 二神也夫素盞雄神者指雰圍氣名之大國主者指大地球名之也

又曰大地球者雰圍氣所凝結也故古書說效親子非無謂也

問 月球如何

曰 月球石体故迥寒

(三)

又曰月球石体也雖有水氣不足成河海蒸發氣稀薄有雰圍氣此界之人不能明視其動物植物自與石体宜

問 星球如何

曰 各星球各異其体質而球体是爲同耳其動物植物皆與其体質宜

問 幾萬年之後地球滅盡之說如何

曰 上帝不爲魔誘食禁菓樹故上帝不罪汝等且呼名醫來供驚悸昏倒之用是上帝豫言者也夫不死之上帝決不造死之物矣

靈魂者上帝所造故永々不死形骸者以雰圍氣所假造故死夫靈魂者第一造化而形骸者第二造化也今人知重形骸而不知重靈魂惑之甚也

問 無故拔樹壞屋者世謂之天狗之術未知禽獸之飛行空中者所爲乎

曰 勿問飛走也有神力副焉雖螻蟻之微可仆大厦屋有道義副焉則雖匹夫之賤可覆惡政府况有衆道者之在乎

惡人之魂經幾千萬年之久而後神歸之於元素而其間分析之苦痛拷掠

不足以爲譬而後真死

(此間△△△△大概)

問 教者何

曰 教者立於幽顯之間者

問 聖人者何

曰 四靈平均無過不及謂之聖々無等差 國訓聖曰靈知

問 賢人者何

曰 四靈不平均有過不及謂之賢々有等差

又曰大賢與聖人邇小賢與凡人遐

問 聖人言行若各異其質者何

曰 若各異其質者鶴不同也賢人者同鶴而不命中也

蓋謂見鶴而過之見鶴而不及之也

問 有地震雷震大風水而生民罹其災如何

(一四)

曰 地震雷震大風水亦地政不可易之道也

又曰夫天錫生民以靈魂使其知避禍就利而其罹災自取之也且雖無地震雷震大風水未有不死之人也

問 雰圍氣內亦有別神乎

曰 自有四魂存焉夫從人間視之大地球者根也而從神界視之雰圍氣者根也

又曰夫無大地球則無有雰圍氣無雰圍氣則無有大地球故若風雨雲雷政令出於一未曾有二

問 神告死生乎

曰 告之生而不告之死或告之凶者以欲之生也

問 神有幽明乎

曰 唯人有幽明也神無幽明是以無內外遠近無曲直無長短

又曰神之于地官守也非所以爲体也人則不然体其体

(一五)

又曰大地體者資養於幽冥故不壽不崩人則不然資養於大地體故有死有病

問 又曰大地體者不壽不崩故不須有子人則死病故生子生孫人之無後者爲不幸乎

曰 然雖然與姦賊之有後不如忠義之無後夫義名與天地存焉雖無有子猶有子也姦賊反之諺曰天下之至寶曰道其此之謂乎

問 卜筮如何

曰 天地必先知之鬼神必先知之而後動乎龜著顯乎四體也

問 神氣有間乎

曰 神氣無立錐之間故靈魂受授不勞迎接

又曰神氣者靈魂之與體力抱合者

又曰人之靈魂者神氣之精美者

問 神始造人祖亦猶兒乎

曰 兒也

問 人魂之保護日月關焉乎

曰 日月保護殊其體耳矣人魂則天帝爲主而地帝宰之也然是其生時之事死後則其最上魂專歸於天帝所轄無不至無不止

問 剛柔流三体其元素幾何

曰 元素之數五十其爲現體之用者二十五而天帝實合造化不造化而爲之故曰天帝所呼吸非現體所呼吸

問 天帝有古稱乎

曰 天御中主是也曰神皇產靈高皇產靈指其造化心也

又曰中也者無所不有天之爲大無非中也分子之爲微無非中也指示一處定爲中者受造者之論其體有限量之故也

又曰天御中主造化太陽其造化心即其中主也造化大地其造化心即其中主也造化太陰其造化心即其中主也

又曰人之靈性曰中可悟其自出也

問 天帝所賦錫靈魂未知何從而取之乎

曰 天帝自分其靈魂而賦錫之也夫分而不減其本量是靈魂之所以爲靈魂也

問 八力之在人身中其支持靈魂者與支持体格者各別乎

曰 其支持靈魂者亦自支持体格

問 靈魂驚悸則若八力先失而汗流油出者如何

曰 八力雖支持靈魂々々實能鼓動八力々々々々而增其強盛則靈魂亦益強盛也

問 人之死靈魂與八力俱去乎

曰 八力去而人始死也

問 四魂之用夫唯果故能進乎唯察故能巧乎唯育故能益乎唯交故能平乎
曰 是用中之用所當然也亦唯進故能果也唯巧故能察也唯益故能育也唯

平故能交也

問 我儕所見太陽外別又有太陽乎

曰 天帝既造一太陽足以照各現體也

問 人魂何用或在霧圍氣內或在霧圍氣以外

曰 上德者自得在霧圍氣外然其有用而自居霧圍氣內者其位不得不屬天神

問 良知良能者如何

曰 善善惡惡是所謂良知良能

夫人既有現體則不得現世之禮不奉事于神祇是顯齋之所以興而其日用常行起居動靜之際神常照鑑之則亦不得爲之思是謂之幽齋也

問 神有名乎

曰 神界無名而有名對現人也

問 道即善乎

曰道所宜履之名善純美之名

又曰道猶指南車也循奉而不失其心之事也

又曰道猶經也善猶緯也

又曰有人于此謂盡吾道則將問之曰天道乎地道乎抑汝之道乎且夫汝道亦有類焉公道乎私道乎自門以外公道而戶庭之事私道也如何

問兵吉凶如何

曰兵吉器而凶器

問丹後峰山大野村伊藤常八妻美與再生說如何

曰再生無理而有理天地神祇無不爲也

問再生者是無本魂乎

曰或無本魂或有本魂

問大阪鐵道有火球大三丈變爲一血頭出舌是何怪

曰天降之孽也非怪也天者神也之者指賊也賊者何慢神害民者夫賊者猶

(10)

病也孽者猶藥也以藥治病天職也復何疑
問作詩之要

曰華外實內是作詩之要

道與神一孔子之言不離道則孔子之言不離神也道也者不可須臾離則神也者不可須臾離也

又曰聲者心之形字者聲之畫

問神也者何

曰天地精靈氣謂之神也

問何謂精靈氣

曰四精神也

問何謂四精神

曰幸魂和魂奇魂荒魂是也

問何謂幸和荒奇

(11)

曰 幸魂者仁德是也和魂者禮德是也荒魂者義德是也奇魂者智德是也
問 四神形象如何

曰 元素是神故能神而通也若有定形象真能大不能小入又能小不能大造
小入大造隨時而有變化也

問 然則或以爲一神或以爲多神皆非乎

曰 或以爲一神以道不相爭或以爲多神以四魂

問 以四魂則其爲八百萬神不可乎

曰 四魂分配爲八百萬神無不可也乘數雖陞無量無數無不可也
敢問其詳

曰 在日爲日神在月爲月神在星爲星神在地爲地神此類推而敷衍恰無量
無數也且汝精神亦四魂四神

問 四魂如何係著

曰 古人曰心者神明之舍夫心臟四竅豈不四魂之所在乎雖是漢字心爲四

(三)

畫德字直字懷字自字俱从四魂字魄字思字皆从田田者心臟之象也試
驗之乎人在胎內而其機械先成者心腦次之諸体格又次之陰部爲最後
腦司体格運營而心主精神夫心病而精神不去也腦患而精神先失以是
倅乎死人腦爲腦可哀也且子又試檢心意動乎懼者心悸而後頭岑々憂
者心作凝結而肢体無力勇者心不動而全身緊張懣者心塞而口爲吃々
懼憂屬愛勇懣屬勇而腦不關也思恥之屬智而相爲耳熱謙下之屬禮而
辭色和易又心臟作用四魂在心臟明矣

問 神者何

曰 元素是故人死而後歸元素亦神

問 元素者何豈亦形氣乎然則精氣與形氣奚擇

曰 元素有二種類汝肉体與汝精神是資

問 精神元素一魂乎

曰 非一魂何以知之曰心臟四房是實容四魂所謂幸魂之仁也荒魂之義也

(三)

奇魂之智也和魂之禮也而信者天之所屬故云誠者天之道也誠信也天以仁義禮智配人承以有之雖然人不可獨信有時乎父爲子廋子爲父廋春秋諱國惡而天不可隱味是以聰明睿智爲不可掩而又有時乎動於人故云誠之者人之道也天道人道所分判如

問 然則四魂外信亦一元素歟

曰 其然雖然予試檢之元素在天互相駢列互相不雄長然則信獨屬之天道不欲復賜於人間是信獨尊矣故予謂信者仁義禮智之相約諾所以爲道々即四中中者無偏倚之謂無傍邊之謂無過不及之謂堯舜所執中其人道之中歟

問 魂以類論何

曰 四魂元素說其色相耳其實元素者粒々顆々其數無邊無量無涯幾億兆萬有旬各自稱神稱中同色相感而做同感異色相合而爲同抱亦猶一神也上代稱之爲天之御中主神々德及人實是人中夫天造大物其神合抱

(三)

稱之造小物其神小分稱之神自由自在也人有体未能自由是莫之憾榮養原身有妻有子又有君父有朋友交際之道百年化而歸元素未晚也矣

問 魂與神氣有以異乎

曰 魂者人之精神磅礴而爲魂者神氣則漫漶而充敷胎內者

又曰天地之精神是爲神是自一元体之磅礴矣然人不能得而見其体則亦岐爲小分子狀是神之自由者所謂思則得也

又曰力者俗所謂魂氣也魂氣者力之異名也又俗所謂精神者則精神力而與靈魂大異也

問 然則禽獸者如何

曰 禽獸者不足爲魂也罔神經之故也

問 然則其蠕動者何且狐魅之爲妖非智慧而何如何

曰 是神氣之所爲蓋神氣者天之未爲魂者雖無靈力亦自有靈狀狐魅得靈狀而自鍛鍊者也聊感奇魂之神氣者是大惡魔

問人之始生錫靈魂幾点子乎

曰凡人之始生先錫之愛一点子而初出胎而錫奇魂勇魂親魂各一点子也

問然則終身是而止乎

曰隨長而降之各不同

問如是則造物者不公平乎

曰此天者天地之為政決無不公平善者獨能受賞者耳矣

問神道

曰汝知人道乎

問知之人道也者五倫也

曰然則告神道也夫神亦有五倫焉凡盈於天地之間者是氣々分爲二精神元素與休養元素是也休養元素也者四十九種類而底一爲太極太極也者精神元素也精神元素亦四種類四種類相合爲一以善一以道一以中一極斯立太極也四十九加一五十也五十之數濶々綸々無空隙也乎於

是乎造物者即精神元素相謂曰吾智足以經綸吾仁足以愛被吾勇足以決進吾禮足以守成(下略)

問幾

曰知幾者其神乎其知神之所爲乎賢矣仲舒

問易傳誰作

曰五行說仲舒爲之則易傳說五行非仲舒而何

問人曾愀然曰天遂不可知乎

曰我亦天也天之分身也我而自知是知天也

問智

曰知所知是智

問大智

曰不知所不知是大智

問慾如何

曰 慾者欲从心也心欲也仲尼欲明明德於天下也可見大有慾者是善矣
敢問天亦有慾乎

曰 有矣天欲造化物之日善也

先生嘗曰余所父所師者天也天外有父者第二父也天外有師者第二師也夫父師者身之所憑學之所由也身本於天而成於父母學亦本於天而就於師者故余精神然矣

問 中者何

曰 中者衷也天之所以衷其大無外其小無內也且主忠信之忠从中心則孔子之一也者中之謂也堯曰以允執中終義之所在也古之帝王學士莫弗以中稱說者可見人所以衷者中也在而中也在人而中也一之謂歟天地一中蓋吾執一中以從事也
又曰執中之法審心之所先起而可有善而無惡也人之良知良能於是乎在矣

(二)

又曰人之體氣不一少年之日利於長進長進之害燥急故輒失中之義老年之時老鍊矣老鍊之蔽屈退故又輒失中之義學者宜念々在於中則中之所命者未有失焉者也

又曰中者有形者也文中子序說得矣而匪有象者又尤得也察於中而能不才者未之有也文中子門人陸續輩出而皆賢執中之功效也孔子門人既啓之牖矣休矣

又曰願諛天之明命者允執中之謂也

又曰允執厥中我國所謂天御中主神之中是也

又曰一以貫之即中之謂也忠即中也

又曰凡忠恕忠信之類皆以中字爲主

又曰中庸云忠恕違道不遠此言非也

又曰主忠信無友不如己者如忠信如丘之如不如己者即不主忠信者也以反及義釋者非也

又曰書云惟皇上帝降衷于下民若有恒性衷中也忠也若順也乃奉載天意而弗誤之謂也

又曰洪範云于汝極錫汝保極保極者中之道也錫極者若有恒惟也

又曰酒誥云作稽中德中德即保極也

又曰中庸之中亦降衷于下民之衷庸若有恒性之恒故中與庸者聖者遺傳也

又曰論語云天之曆數在爾躬天即我國所謂高天原是也

又曰書云咸有一德孔子云一以貫之一即我國神代文字之一也橫與縱之異制也

又曰子云獲罪乎天無所禱也道也者一也天地人所以一也故屬之天也所謂神者也又曰道者神之所爲天所以爲天之實也

又曰身也者父母之遺體也父母亦其父母之遺體也推言之天地爲父母又曰中神也我國所謂伊那々伎爾伎寸免留加美中也指頭爲加美亦中

也是所謂魂神者也

中庸云知恥近乎勇亦誤既曰知即智也

又曰易云立人之道曰仁與義非也

我國所謂鎮魂則求未全錫於我者也蓋求放心之義亦同焉

又曰中神也誠亦神也道亦神也而神固一神也

又曰夫鬼神皆有形而非必無形然爲其有形亦充於天地之間故惟不能定爲形容也

問 明德如何

曰 明德即靈魂屬於心也

又曰夫人主魂不主体故孔子云朝聞道夕死可矣又云守死善道雖然魂依体栖宿者故体與力亦不可不養也而養魂以魂養力以力養体以体或食肉或食穀々與肉質也体亦質也以質實之物養質實之体是以体養体之理也昔陶侃朝運百甓於齋外暮運於齋內是以力養力之理也多聞道

義之精神以養道義之精神是以魂養魂之理也此三者乃天地乃原則也
不可不知矣

曰我愛吾者私愛也而離其形骸而愛者正愛也離其道義而愛者邪愛也
又曰神自神人祖自人祖不可混合

又曰人在地上各異其國各異其邑則亦各異其言語各異其音聲是各人
祖之意各異之所致若以人祖系之於神則神意不二教其言語音聲亦應
不二淺學輩以人祖爲一祖曰人々言語音聲本皆一般是皆遁辭耳

又曰氣海無波凶賊隱身何許耳

又曰上代各地有大蛇因溫暖勢強也

又曰人祖之始降大地非南方而在北方蓋天帝之造大地以其初含溫素
過當南方熾烈不可生息而北方溫熱漸適生息也故知人類之始降非南
方而在北方矣

又曰書北方曰幽都蓋以北方今雖幽昧然實人祖之所始降而昔時嘗爲

(一四)

(一四)

都會之地也

又曰國語北方曰子々者根也乃萬物之所根始也

問 中者一氣乎

曰 亦有五氣故國書云五魂是五魂者爲精神之元素也

問 元素之神如何

曰 天御中主神高皇產靈神皇產靈神甘葦芽彥身神天常立神此五神者
實爲精神元素故稱爲別天神也

問 五神之用如何

曰 國書所云和魂幸魂奇魂荒魂而其一魂未聞揚言之者但說和魂禮也幸
魂仁也奇魂智也荒魂義也若語一魂則一魂爲一中也中之爲用大矣蓋
中猶道也以道乎四魂道猶一魂也是實五元素之稱號所以興其實爲四
魂亦未不可心臟四竅職此之由

問 思之思之不已鬼神佑之有是理乎

曰有之人雖未嘗等於鬼神苟思一善者則一善成應焉善者天之心也爲一巧思則一巧思成感焉巧思也天之才也

又曰神也者中心也

又曰靈也者中與神之謂也故也與神須臾不可離者乃道之本義

又曰道先天地成後天地顯

又曰靈也者神力之總稱故剖判以來萬物之離合聚散亦係于力德

又曰在彼不來在此不去神心中々

又神魂者無光之光也矣故上屆天心下達地中無不普照可謂無量無礙光也

又曰四魂互爲經緯而直在其中故云五魂

問 中與上帝異乎

曰中也者在心中之稱也而上帝也在頭上之謂也且人脚下亦有神易所謂感腓而西醫扶氏經驗書載脚下言語之病皆證脚下有神也

(三三)

(三三)

問 祈必益乎

曰祈必益故孔子亦云吾戰必勝祭必受福是也

——(蒼海語錄畢)——

門人佐々木哲太郎輯錄於千駄谷口副島邸

維時明治三十一年十二月七日抄錄終

幽冥録 神仙靈典終

大正八年の夏の旅某山中の小堂に雨宿りしつゝ

九 吾

あるかみのかりにかたちをとりけものくさきのすえにあれますもあり
 かたちはもとりけものにてこゝろはもひとのかみたるかみもあるかも
 ひとにしてひとにあらさるこゝろよりひとをひとともおもはさるらめ
 かみのみちそのまゝひとのみちなればひとのみちふむひとはかみなり

(三)

大正九年九月六日印刷
 大正九年九月九日發行

非賣品

著者兼發行者 友清 九吾

靜岡市外北安東五十一番地

印刷者 岡村 喜作

靜岡市八雲町三丁目九十番地

印刷所 池鶴堂印刷所

靜岡市市野町二丁目一番地

不許複製

發行所

靜岡市外北安東 古書屋

掛號東京四八五一

天行道入 友清九吾著

鎮魂歸神の原理及應用

全一冊

(切賣)

大正八年十月發行


鎮魂歸神の極意

全一冊

大正九年五月發行

汲古書屋

II
376



終

